



JAVNO PREDUZEĆE "KOMUNALNO" D.O.O. BREZA

UL. ZAVNOBIH- a br.6 71370 Breza

Broj: 05-3933-10/22

Datum: 16.12.2022. godine

Na osnovu člana 64. stav (1) tačka (b) i člana 70. st. (1), (3) i (6) Zakona o javnim nabavkama („Službeni glasnik BiH“, broj 39/14), na Preporuku Komisije za javne nabavke (broj 05-3933-9/22 od 15.12.2022. godine), u postupku javne nabavke roba: „Jačanje kapaciteta za obavljanje usluga odvojenog prikupljanja odvoza selektivnog otpada na teritoriji općine Breza kroz nabavku polovnog vozila – Abroll kiper sa prikolicom za transport Abroll kontejnera sa selektivnim otpadom“ v.d. direktor, donosi:

ODLUKU

o izboru najpovoljnijeg ponuđača

„Jačanje kapaciteta za obavljanje usluga odvojenog prikupljanja odvoza selektivnog otpada na teritoriji općine Breza kroz nabavku polovnog vozila – Abroll kiper sa prikolicom za transport Abroll kontejnera sa selektivnim otpadom“

Član 1.

Prihvata se Preporuka Komisije za javne nabavke (broj 05-3933-9/22 od 15.12.2022. godine) i Ugovor za javnu nabavku radova: „Jačanje kapaciteta za obavljanje usluga odvojenog prikupljanja odvoza selektivnog otpada na teritoriji općine Breza kroz nabavku polovnog vozila – Abroll kiper sa prikolicom za transport Abroll kontejnera sa selektivnim otpadom“ dodjeljuje se izabranom ponuđaču „SV COMPANY“ d.o.o. Laktaši, za ponuđenu cijenu od 119.900,00 KM bez PDV-a, odnosno 140.283,00 KM sa PDV-om, a u skladu s ponudom Ponuđača (broj 03-75-01/22 od 14.11.2022. godine).

Član 2.

- (1) Prijedlog Ugovora o nabavci dostavit će se na potpis izabranom ponuđaču u roku od 15 (petnaest) dana, računajući od dana kada su svi ponuđači obaviješteni o izboru najpovoljnije ponude.
- (2) Izabrani ponuđač je dužan u roku od pet dana od dana prijema obavještenja o rezultatima postupka dostaviti ovjerene kopije dokumenata iz člana 45. stav (1) Zakona o javnim nabavkama („Službeni glasnik BiH“, broj 39/14), u skladu sa tačkom 13. Tenderske dokumentacije.
- (3) U slučaju da izabrani ponuđač propusti dostaviti dokaze o kvalificiranosti u navedenom roku ili dostavi neprihvatljive dokaze, odluka o izboru najpovoljnijeg ponuđača će se poništiti.

Član 3.

Za izvršenje ove Odluke zadužuje se i ovlašćuje PJ „Održavanje i nabavka“ i PJ „Direkcija“, svako u okviru svoje nadležnosti.

Član 4.

Ova Odluka objavit će se na web-stranici JP „Komunalno“ d.o.o. Breza, <http://jpkbreza.com/>, istovremeno s upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Por.br.01000312, Općinski sud Zenica br.rj:U 1-2109/05
PDV broj: 218087170004, ID broj: 4218087170004,
Tel: +387 32 78 34 91, fax: +387 32 78 36
e-mail: jpkbreza@bih.net.ba, jpkbreza@gmail.ba

1010000071262640 Privredna banka
1344701006764927 Asa Banka
3389002207948542 UniCreditBank
1542602003760511 IntesaSanPaoloBankad.d.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 05-2933/22 od 24.10.2022. godine.

Javna nabavka je provedena putem Otvorenog postupka za dostavu ponuda.

Procijenjena vrijednost javne nabavke: „Jačanje kapaciteta za obavljanje usluga odvojenog prikupljanja odvoza selektivnog otpada na teritoriji općine Breza kroz nabavku polovnog vozila – Abroll kiper sa prikolicom za transport Abroll kontejnera sa selektivnim otpadom“ bez PDV-a iznosi 120.000,00 KM.

Obavještenje o nabavci broj: 2818-1-1-164-3-15/22 objavljeno je na Portalu javnih nabavki dana 24.10.2022. godine.

Na osnovu obavještenja na Portalu javnih nabavki, tendersku dokumentaciju sa portala E-nabavke je preuzelo 10 (deset) ponuđača i to:

1. "EKAPIJA" d.o.o.
2. "BBS EUROPE"
3. "LIV-S" d.o.o. Visoko
4. "CENTAR ZA RAZVOJ MEDIJA I ANALIZE"
5. "SV COMPANY" d.o.o.
6. "ALBOR TRGOVINA" d.o.o.
7. "WINTEC" d.o.o. Sarajevo
8. "MIPEX AUTO RS" d.o.o.
9. JKUP "KOMUNALIJE" d.o.o.
10. "STEEL" d.o.o.

Komisija za javnu nabavku imenovana je Odlukom br. 05-2933-1-1/22 od 01.11.2022. godine.

Komisija za javnu nabavku dostavila je dana 15.12.2022. godine, Zapisnik o pregledu i ocjeni ponuda, broj: 05-3933-7/22 i Preporuku o izboru najpovoljnijeg ponuđača, broj: 05-3933-9/22 u postupku javne nabavke: „Jačanje kapaciteta za obavljanje usluga odvojenog prikupljanja odvoza selektivnog otpada na teritoriji općine Breza kroz nabavku polovnog vozila – Abroll kiper sa prikolicom za transport Abroll kontejnera sa selektivnim otpadom“.

Na javnom otvaranju ponuda nije bilo predstavnika ponuđača.

U postupku po izvještaju o radu je utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (dvije),
- da je blagovremeno zaprimljeno 2 (dvije) ponude,
- da nije bilo neblagovremeno zaprimljenih ponuda,
- da je ponuda ponuđača "SV COMPANY" d.o.o. Laktaši prihvatljiva ponuda,
- da je ponuda ponuđača „LIV-S“ d.o.o. Visoko označena kao nekvalifikovana u predmetnom postupku iz sljedećeg razloga:

1. Ponuđač „LIV-S“ d.o.o. Visoko u svojoj ponudi br. 32 od 08.11.2022. godine je dostavio Listu isporuka u posljednje 2 (dvije) godine i potvrdu o uredno izvršenoj isporuci Autosmečara kapaciteta 16 m³ preduzeću JPKP „Komus“ d.o.o. Gračanica što nije u skladu s uslovima Tenderske dokumentacije i

tačkom 13.3. Tehnička i profesionalna sposobnost (Član 48. i 49. Zakona o javnim nabavkama) gdje stoji:

„U skladu s članom 48. i 49. Zakona, ponuđači/kandidati trebaju ispuniti sljedeće minimalne uslove tehničke i profesionalne sposobnosti:

a) da je u posljednje 2 (dvije) godine računajući od dana podnošenja ponude realizovao jedan ili više ugovora o isporuci istog ili sličnog vozila kao predmet javne nabavke (Abroll kiper s prikolicom) u ukupnoj vrijednosti od minimalno iznosu od 100.000,00 KM bez PDV-a;

2. Evaluacijom ponude uočeno je nepoklapanje navedenih tehničkih karakteristika sa karakteristikama Abroll kiper Renault Lander 450 DXI (zapremina motora) i navedene nadogradnje Pallift T20 (Mogućnost podizanja i transporta kontejnera min. 6,5 m dužine).

Ponuđaču „LIV-S“ d.o.o. Visoko je dana 17.11.2022. godine u skladu s članom 48. stav 5. Zakona o javnim nabavkama upućen Zahtjev za dostavu pojašnjenja tehničkih karakteristika polovnog vozila Abroll kiper sa prikolicom za transport Abroll kontejnera sa selektivnim otpadom – Renault Lander 450.

Ponuđač „LIV-S“ d.o.o. Visoko je traženo pojašnjenje dostavio putem e-maila 18.11.2022. godine, ali komisija je analizom dostavljenog pojašnjenja odlučila postupiti u skladu s tačkom 13.3. Tenderske dokumentacije (Tehnička i profesionalna sposobnost) gdje je navedeno:

„Napominje se da ako ugovorni organ bude imao sumnje o postojanju okolnosti vezanih za tehničku i profesionalnu sposobnost ponuđača, isti će se obratiti nadležnim organima s ciljem pribavljanja potrebnih informacija u predmetnom postupku.

Ukoliko se u ponudi ne dostavi navedene dokaze u vezi sposobnosti obavljanja profesionalne djelatnosti ponuđača ili ih ne dostavi na način tražen TD, isti će biti isključen iz daljeg učešća zbog neispunjavanja navedenog uslova za kvalifikaciju“.

Postupajući po gore navedenom dana 30.11.2022. godine upućen je: Zahtjev za dostavu Potvrde proizvođača za vozilo s brojem šasije VF624DPA000000230 u “Volvo” d.o.o. Sarajevo, ovlaštenom zastupniku za Renault vozila za teritoriju BiH.

Dana 13.12.2022. godine na protokol JP “Komunalno” d.o.o. Breza zaprimljena je tražena Potvrda od ovlaštenog zastupnika za Renault vozila za teritoriju BiH “Volvo” d.o.o. Sarajevo.

Analizom dostavljene potvrde utvrđeno je da Tehničke karakteristike ponuđenog polovnog vozila Abroll kiper sa prikolicom za transport Abroll kontejnera sa selektivnim otpadom – Renault Lander 450 ne odgovaraju Tehničkim karakteristikama navedenim u ponudi ponuđača „LIV-S“ d.o.o. Visoko, jer je Tenderskom dokumentacijom tražena Zapremina motora: 11.000 – 12.000 ccm, a utvrđeno je da zapremina motora ponuđenog vozila iznosi 10.837 ccm.

3. U skladu s Tenderskom dokumentacijom da:

„Ugovorni organ zadržava pravo uvida u vozilo i opremu prije donošenja odluke o izboru najpovoljnijeg ponuđača, te da je potrebno da ponuđač dostavi izjavu o prihvatanju uvida u vozilo i opremu koji će se izvršiti prije donošenja odluke o izboru najpovoljnijeg ponuđača, s navedenim mjestom i vremenom gdje se može izvršiti uvid. Uvid u vozilo mora biti na teritoriji Bosne i Hercegovine“ i dostavljenom izjavom u ponudi ponuđača „LIV-S“ d.o.o. Visoko u kojoj je navedeno u Obrascu izjave o prihvatanju uvida u vozilo i opremu (Aneks br. 11) da se pregled vozila može izvršiti 30.11.2022. godine na adresi: Zanatski centar, Sebilj bb u vremenu od 08:00 do 16:00 h svaki radni dan, od navedenog datuma, imenovana komisija je dana 30.11.2022. godine dostavila ponuđaču Obavijest o pregledu polovnog vozila Abroll kiper sa prikolicom za transport Abroll kontejnera sa selektivnim otpadom – Renault Lander 450.

Komisija za nabavku polovnog vozila Abroll kiper sa prikolicom za transport Abroll kontejnera sa selektivnim otpadom je dana 30.11.2022. godine, prema unaprijed najavljenom uvidu u vozilo i opremu u 12:30 sati otišla na adresu koja je navedena u ponudi ponuđača „LIV-S“ d.o.o. Visoko.

Komisiji za nabavku polovnog vozila Abroll kiper sa prikolicom za transport Abroll kontejnera sa selektivnim otpadom nije omogućen uvid u vozilo u skladu sa „Dopisom o pregledu vozila i provođenju procedura“ br. A335/22 od 30.11.2022. godine, koji je uručen Komisiji.

Od strane direktora „LIV-S“ d.o.o. Visoko i komisije je potpisan zapisnik o onemogućavanju uvida u polovno vozilo Abroll kiper sa prikolicom za transport Abroll kontejnera sa selektivnim otpadom - Renault Lander 450 koji je predmet ponude ponuđača, što je u suprotnosti s zahtjevima u Tenderskoj dokumentaciji gdje je navedeno:

„U slučaju da se utvrdi da stanje vozila i opreme konkretnog ponuđača ne odgovara tehničkim karakteristikama traženim u tenderskoj dokumentaciji Ugovorni organ će istog diskvalifikovati iz daljeg postupka“.

Ugovorni organ je predvidio tenderskom dokumentacijom i u sistemu „E-nabavke“ provođenje e-aukcije.

S obzirom da je dostavljena samo jedna prihvatljiva ponuda, e-aukcija se ne može zakazati, nego se postupak okončava u skladu sa članom 69. Zakona o javnim nabavkama, u skladu sa članom 3.stav (3) Pravilnika o uslovima i načinu korištenja e-aukcije („Službeni glasnik BiH“, broj: 66/16).

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, u skladu sa kriterijima iz Tenderske dokumentacije.

U postupku ocjene provedenog postupka, v.d. direktor, nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač je izabran primjenjujući kriterij „Najniža cijena“.

Iz navedenih razloga, primjenom člana 64. stava (1) tačka (b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU

Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke, u skladu sa članom 99. Zakona o javnim nabavkama („Službeni glasnik BiH“, broj 39/14).

DOSTAVLJENO:

- 2 x Ponuđači koji su učestvovali u postupku JN
- 1 x v.d. direktor JP „Komunalno“ d.o.o. Breza
- 1 x PJ „Održavanje i nabavka“
- 1 x Direkcija
- 1 x Web stranica preduzeća
- 1 x a/a



v.d. Direktor:

ma. Ermin Likić dipl.ing.maš.